

ЎЗБЕКИСТОН ССР ФАНЛАР
АКАДЕМИЯСИ

* * *

А. С. ПУШКИН НОМИДАГИ ТИЛ ВА
АДАБИЁТ ИНСТИТУТИ



ЎЗБЕК
АДАБИЁТИ
КЛАССИКЛАРИ
КУТУБХОНАСИ



ТОШКЕНТ


1951

МАХМУР
ТАНЛАНГАН
АСАРЛАР



ЎзССР ФАНЛАР АКАДЕМИЯСИ НАШРИЁТИ

1 9 5 1



ШОИР МАХМУР ТҮФРИСИДА

Шоир Махмур XVIII аср охири ва XIX аср бошларида Қўқон шаҳрида яшади. У даврда хонлар, беклар ва катта ер эгалари ҳукм сурар эди. Эксплуататор синфлар меҳнаткаш халқ оммасини нодонликда тутишга, диний таассуб, хурофотни кучайтиришга уринар эдилар. Мамлакатда эксплуатация қилути ҳукмрон синф блан меҳнаткаш халқ оммаси ўртасида кескин синфий кураш борар эди. Бунинг устига хонликлар орасида уруш, талашлар давом этар ва буларнинг бутун оғирлиги меҳнаткаш халқнинг устига тушар эди. Синфий кураш маданий ва адабий ҳаётда ҳам давом этди. Бу кураш реакцион адабиёт блан демократик тенденциядаги адабиёт ўртасидаги кураш эди.

Реакцион сарой адабиёти ғоявий жиҳатдан қашшоқ, формалистик адабиёт бўлиб, хон салтанатини мақташ блан шуғилланар эди. Бу адабиётга қарши кураш олиб борган демократик тенденциядаги адабиёт феодализм ҳукмронлик қилган даврдаги меҳ-

наткаш халқнинг ҳаёти ва курашини тасвиirlар эди. Бу адабиёт вакиллари ўз асарларида феодал ҳукмронларини, хон амалдорлари ва уларнинг малайларини, умуман эксплуататорларни танқид қилдилар. Ана шу демократик тенденциядаги адабиётнинг вакилларидан бири шоир Махмур эди.

Шоир Махмур Қўқон шаҳрида туғилди, яшади ва ижод қилди.¹ Унинг отаси Мулла Шер Қўқон шаҳри яқинидаги Бойтуман қишлоғидан бўлиб, Қўқонга келиб қолган. У Акмал тахаллуси блан шे'рлар ёзар эди. Мулла Шер Акмал Қўқон шаҳридаги Мадрасаи Мирда дарс берар эди.

Махмурнинг онаси эса Ҳапалак қишлоғидан эди. Махмур оиласда бош ўғил бўлиб, унинг асли номи Маҳмуддир.

Маҳмуд Мадрасаи Мирда ўқийди. У ёшлик чориданоқ адабиётга қизиқиб, Махмур тахаллуси блан ше'рлар ёзабошлайди.

Махмур феодализм давридаги ҳаётнинг бутун жабру жафоларини бошидан кечиради. Шоир ўз замонида халқпарвар олимлар, доноларнинг ниҳоят оғир ҳаёт кечирганликларини, феодаллар, бой-

¹ То ҳозиргача Махмур тўғрисида ҳечқандай материал йўқ эди. Шунингдек унинг «Ҳапалак» ше'ридан бўлак ҳечбир ше'ри адабиёт аҳлларига ма'lум эмас эди. Ушбу тўпламни ташкил этган ше'рлар Махмурнинг 1950 йилда Қўқон шаҳрида топилган девонидан танлаб олинди.

лар ва хон амалдорлари құлида эса ҳисобсиз бойлик тұпланғанligini күриб, ниҳоят ғазабланади. Үз давридан норози бұлған шоир шундай шикоят қилади:

Қайси бир зулминг этай те’дод¹ әй гардуни дүн,
Ким сенинг бедоду жавринг ҳадду ғоятдин бурун,
Бекұнар жоқилга бердинг беадад дүк’ёйи дүп.
Жам’и доноларни қылдинг ҳолини зеру забун,
Зогни а’ло қилиб, тұтини подон айладинг.

Махмур ана шундай зоғлар фароғатда, донолар кулфатда яшаган бир даврда умр кечирди. У жохиллар, феодаллар, хон амалдорлари бойлик әгаси бўлиб, кенг ҳалқ оммаси ва уннинг манфаатини кўзлаган олимлар, доноларнинг хору зор бўлганидан қаттиқ афсусланди. Шоир ўзининг бу каби ше’рларида феодализм давридаги ижтимоий воқи’ликни тасвирлаб, адолатсизликка, жабр-зулмга қарши кескин норозилик билдириди.

Махмурнинг ше’рларида куйланған фикр-ҳислар фақат шоирнинггина эмас, балки ўша даврдағи барча илғор кишиларнинг норозилигини ифодаловчи фикр-ҳислар әди.

Махмур феодализм тузумининг оғир исканжаси остида қийналиб ҳаёт кечирди ва муҳтоҗлик

¹ Ҳисоб.

ицида вафот этди. Махмурнинг вафот этган йили ҳозирча аниқланган эмас.

Махмур ижодиётида унинг машҳур «Ҳапалак» ше'ри марказий ўринни эгаллайди. Бу ше'рда шоир феодализм ҳукмроилиги давридаги деҳқонларнинг оғир ва мashaқатли ҳаётини реал бўёклар блан тасвиirlаб, уларнинг хон, феодалларга қарши норозилигини куйлади. Ҳапалак қишлоғининг деҳқонлари тўғрисида Махмур шундай деб ёзади:

Халқини кўрсанг агар ўласни, қоқу хароб
Очликдан эгилиб қомати мисли камалак.
Ажириг томирини ўғирида майда туйиб,
Қайнатиб кунда ичар, отини дерлар сумалак.

Бу қишлоқ аҳолиси сув йўқлигидан юзини қумга ювади ва кўзига гувалак суртади, катак каби тор ва еrostи каби қоронғи жойларда оч-яланғоч ҳолда яшайдилар. Махмурнинг айтишича кишилар гўдаклик чоғларнда оналарни ўраган йўргакларини то кексайганча «уч мингу юз етти бўлак» ҳолида ўз устларида илиб юрадилар. Ана шундай оғир аҳволда, очлик ва яланғочликда яшаётган қишлоқ аҳолисига хон яна тилло пули солиғини солади.

Кета гўё эшитиб шуҳрати тілло пулини.
Ҳапалак қўрқусидан учди мисоли капалак.

Махмур Ҳапалак деҳқонлари номидан шу солиқни бекор қилишни хондан талаб қилади.

Феодализм давридаги деҳқонларнинг оғир ҳаётларини куйлаб, чин қалбидан улар учун қайғириб, уларнинг манфаатларини ҳимоя қилиб Махмур халқпарвар даражасига кўтарилади.

Махмурнинг «Ҳапалак» ше'ри фақат Ҳапалак қишлоғи деҳқонларининггина эмас, балки феодализм ҳукмронлиги давридаги барча қишлоқларнинг, барча камбағал деҳқонларининг оғир ва чираб бўлмас даражадаги мاشаққатли ҳаётини яққол кўрсатиб туради.

Шоир Махмурнинг яқинда топилган ше'рлар тўплами деярлик ҳажвий ше'рлардан иборатdir. Шоирнинг бу ҳажвларида феодаллар, қозилар ва умуман эксплуататор синфларнинг вакиллари қаттиқ танқид қилинади. Унинг «Қози Муҳаммад Ражаб Авж», «Итбоқар қози», «Ҳожи Ниёз» номли ҳажвий ше'рлари бу жиҳатдан айниқса характерлидир.

Махмурнинг ҳажвий ше'рларидан бирида тасвирланган Қози Муҳаммад Ражаб Авж деган қози асли Андижонли бўлиб, Янгиқўрғонда яшар ва Қоратепа деган жойда қозилик қилас экан. Шоир бу қозининг ярамас хулқини, очкўз, порахўр, золим эканлигини фош этади. У, қозининг тилидан бундай деб ёзди:

Гоҳ ким бошимда саллам бўлмаса ул дам қараб
Расми роҳи туҳмату, шалтоқ кирдоримни кўр.

Феодализм даврида шариат қонунини ҳимоя қилиш никоби остида халқни таловчи ана шундай текинхўр унсурларни шоир қаттиқ савалайди, уларнинг жирканч башараларини аёвсиз равишда очиб ташлайди. Махмур бу қозининг кирдикорларини кўрсатиб, умуман қози, муфти, а'ламларнинг ўз шахсий манфаатлари йўлида юз хил ҳийлаю пайранглар ишлатишини тасвиirlайди ва улардан нафратланади.

Махмур ўзининг «Итбоқар қози ҳажви» да шариат ҳомилари деб ҳисобланган, ифлос, паст ишлар блан шуғулланучи қозини қаттиқ танқид қиласди.

Махмур бу ҳажвида қозининг итлар блан улфатчилигини тасвиirlаб, қози ва унинг атрофидағи кишиларнинг барчаси итфе'л кишилардир, деган холосага келади.

Шоир Махмур «Ҳожи Ниёз ҳажви» ва шу каби ше'рларда ҳам эксплуататорлар синфининг типик вакиллари бўлган, бу ярамас хулқли, таловчи, мунофиқ унсурларнинг барча жирканч кирдикорларини фош этиб ташлайди. Унинг ше'рларида ҳажв қилинган кишиларнинг ҳаммаси хоннинг катта амалдорлари эдилар.

Халқпарвар шоир Махмур ўз ҳажвлари блан меҳнаткаш халқнинг молу мулкини талаб бойиган хон амалдори, бойлар, текинхўр руҳонийларни бутун халқ олдида шармандаю шармсор қиласди.

Шоир Махмур ўзининг каттагина бир ше'рида хон ва хон амалдорларининг содиқ лаганбардори Абдулкарим Фазлийни жуда ҳам қаттиқ танқид қиласди ва унга «исқотхўр» (ташландиқ нарсаларни сючи) деб ном беради.

Лекин Махмур феодал ҳукмроиларининг ифлос кирдикорларини фош қиласар экан, у айрим феодалларни, бойлар ва амалдорларни қаттиқ танқид қилиш блан чекланди. У бутун феодализм тартибини танқид қилиш даражасигача кўтарилаолмади.

Махмурнинг ше'рлари унинг меҳнаткаш омма тарафида эканлигини кўрсатиб туради. Шоир Махмур сўнгги феодализм давридаги воқи'ликни, эксплуатация зулми остида эзилган халқ оммасининг оғир ва мashaққатли аҳволини бадиий ростгўйлик блан ифодалаб берган.

Азиз Каюмов.



ХАПАЛАК

Эй жаҳондори зафар кавкабан даври фалак,
Гүш қил қиссан қишлоғи хароби Ҳапалак.

Турфа қишлоқ ғазаб кардаки паррандалари,
Товуғи игначию, ўрдагу ғози — капалак.

Бору йўқ уйларини банда баён гар қилсам,
Бир катак, икки ката, уч олачуқ, тўрт каталак.

Дема уй, балки замни, кундуз агар кирса киши,
Ҳар тараф бетига ургайлар ани(нг) кўршапалак.

Ҳалқини кўрсанг агар ўласию, қоқу, хароб,
Очлигидан эгилиб қомати мисли камалак.

Ажириғ томирни ўғирида майдә туюб,
Қайнатиб кунда ичар отини дерлар сумалак.

Иўргагида онаси ул ўраган латталари
То ҳануз устидадир, уч мингу юз етти бўлак.

Гар таҳорат қилса қавми сув тополмай noctor,
Бетини қум-ла ювиб, юзига сурттар гувалак.

Эй фалак қадру адолат шийами мулку малак,
Марҳамат чоғида раҳм айла баҳоли Ҳапалак.

Кече гүё эшитиб шуҳрати тилло пулини,
Ҳапалак қўрқусидин учди мисоли капалак.

Химматинг йўлида бир тарзи каромат қилгил,
Капалак боз қўниб жойига бўлгай Ҳапалак.

Зор Махмур талаб қилди кечишни шоҳдин,
Ҳапалак юртига тушган пул агарчи лак-лак.

Доимо эҳсони гардун шуд басуи ағниё,
Қард доноён базийри панжай жоҳил фано,
Тӯтиёнро сохта дар қайди зиндан мубтало,
Андалибонро мути'и бүм карди, эй само,
Аҳли донишни забуни дасти нодон айладинг.

Ма'носи:

Доимо осмоннинг эҳсони бойларга бўлди,
Доноларни жоҳиллар панжаси остида паст қилди,
Тӯтиларни зиндан қайдига мубтало қилиб,
Эй само, булбулларни бойқушларга қарам этдинг,
Илм, фикр аҳлини нодонлар қўлида хор қилдинг.

Хор қилдинг оқибат ҳаркимки эрди аржуマンд,
Паст этдинг соядек, нахлики бўлди сарбаланд,
Барча фе'линг носутуда жумла васфинг нописанд,
Юсуфи Мисрини айлаб чоҳи зиндан ичра банд,
Пирি Қан'он манзилини байтул-аҳзон айладинг.

¹ Қисқартиб олинди.

Эй фалак, дар бораи мо зулми беҳад то бакай?
Мо асирон дар тиисми мардуми бад то бакай?
Бар сари мо ростон шамшири чун мад то бакай?
Як алам дар бораи мо сохтан сад то бакай?
Эй ситампарвар, юраклар таҳ-батаҳ қон айладинг.

М а'н о с и:

Эй фалак, бизга бу чексиз зулминг қачонгача давом этади?
Биз ёмон кишиларнинг тилсимиға токайгача асири бўлиб
турамиз?
Биз ростлар бошида қайрилма қамчилар қачонгача синади?
Токайгача бир аламни биз учун юз алам қиласан?
Эй золим, юракларни қатма-қат қонга айлантирдинг.

Қайси бир зулминг этай те'дод, эй гардуни дун
Ким сенинг бедоду жавринг ҳадду ғоятдин бурун,
Беҳунар жоҳилга бердинг беадад дун'ёйи дун,
Жам'и доноларни қилдинг ҳолини зеру забун,
Зофии а'ло қилиб тўтини нодон айладинг.

Токай эй гардуни дун, дунро риоят мекуни?
Чанд боҳамноми худ лутфу иноят мекуни?
То бакай аз мо бажам'и худ шикоят мекуни?
Чанд бо ин аглаҳон нақли ҳикоят мекуни?
Ҳамсифат, ҳамном учун дунларга майлон айладинг,

М а'н о с и:

Эй пасткаш дун'ё, токайгача пасткаш кишиларга риоя
қиласан?
Сенга ҳамном бўлган пастларга қачонгача лутфу иноят
қиласан?

Қачонгача биздан ўз аҳлларингга шикоят қиласан?
Қачонгача бу бирнеча аблаҳларга ҳикоялар нақл қиласан?
Ҳамсифатиинг, ҳамиоминг бўлгани учун пасткашларга
майл кўрсатдинг,

Синалар ма'мурасини селдек қилдинг хароб,
Аҳли дил бағрини ҳасрат ўтида этдинг кабоб,
Фе'лу атворинг мукаддар, гуфту гўйинг носавоб,
'Лутфинг эрмас беғараз, ин'оминг эрмас беҳисоб,
Тифлдек бўлдинг пушаймон кимга эҳсон айладинг.

Алғиёс, эй аз ситамҳойи спехри бад шиор,
Дар дили мо нест акнун тоқату сабру қарор,
Ал'амон гўён баолам нолам аз дasti ту зор,
Алҳазар гўён гуризам аз ту дар шаҳру диёр,
Ким кўнгил мулкин бузиб ер бирла яксон айладинг.

М а'н о с и:

Ёмон шиорли осмоннинг стамларидан дод!
Дилимиизда ортиқ тоқат, сабру қарор қолмади.
Сенинг дастингдан ал'амон деб йиглаб нола қиласман,
Алҳазар деб шаҳарларда сендан қочаман,
Чунки сен кўнгил мулкини бузиб, ер блан яксон қилдинг.

То қалам чекти қазо лавҳи вужуди кунфакон,
Келмади бир ростлиқ нақлингда, эй қаж достон,
Мумтаҳандирсан ёмонлиғда на ҳожат имтиҳон,
Нахли идборинг уза мурғики қўйди ошиён,
Тухми аижум гардишидин сангборон айладинг.

АБДУЛҚАРИМ ФАЗЛИЙ
НАМАНГОНИЙ ТҮГРИСИДА

Хажв

Назми турки блан баён, амаким
Сифатингни қилай аён, амаким.

Сени мадҳингдин ўзга қофозга
Чекмайин бир нуқат нишон, амаким.

Отани ганжи баски якбора
Кетди қўлдин бир олгон, амаким.

Бўлмайин сендин ҳам дебон ма'юс
Айларам мидҳатингни жон, амаким.

Қилди тасниф неча дафтари фаҳш
Мўшикофу дақиқадон, амаким.

Ше'р бозори ичра бори йўғи
Босгани тургани ялғон, амаким.

Неча йил хўжаларни давлатида
Қилди исқота хў ёмон, амаким.

Тұрақүрғон блан Наманғонда
Хуш эди мансаби равон, амаким.]

Кече-кунлар сұраб юрар әрди.
Мурдалар жам'идин нишон, амаким.

Бўлди зарбул-масал бу боисдин
Пири исқотийи замон, амаким.

Қўринур базм аро мусоҳибга
Шакли монандай илон, амаким.

Кимки олдида билмай ўлтирса
Чақди заҳри блан чиён, амаким.

Да'би шулким мудом еткурса,
Халқ аро заҳмату зиён, амаким.

Ҳам юҳо, ҳам макарнажи дар'ё
Аждаҳо ишкаму, жаён, амаким.

Шоҳ султон Үмарни йўлдин уриб
Айлади шоири шаҳон, амаким.

Ҳама аш'орини бериб анга
Олди дун'ёни бегарон, амаким.

Амаким халқ ичида бор ўлгай
Лек муҳтоҷу хору зор ўлгай.

Аввали касби эрди исқотий
Оқибат ҳам ўшал шиор ўлгай.

Саг падар икки қурратул-айни
Икки бозандаи қимор ўлгай.

Қиссалар бирла топган амволи
Жумла торожи рўзгор ўлгай.

Бор исқотиликни пеша қилиб,
Обу, оши каварга зор ўлгай.

Қарриликда қарсөғчилик қилсин,
Токи бўйнига чўбдор ўлгай.

Гўри торикни дуо айлай
Ўғрилар қабрига қатор ўлгай.

Зоти манҳус кулфат олуда
Луқмаи мўру, нўши мор ўлгай...

Эрди аввал юҳо-у охир ҳам
Ҳам макарнаж, ҳам аждаҳо ўлгай.

Езу қиши наш'а истабон топмай
Дайр аро бандигиларга зор ўлгай...

Икки оламда бул мазаллат кин
Қобили қаҳри кирдигор ўлгай.

Ботини халқ ичида эрди ало
Зоҳири даҳр аро чифор ўлгай.

Қомати захман қарилукдин
Чун қубузн гусиста тор ўлгай

Ошиқ эрди дутор нағмасыга
Шоҳсанам гарданиға бор ўлгай.

То абад нақди ла'нату нафрин
Жам'и авқотига нисор ўлгай.

Даҳр аро қайда бўлса аҳли фужур
Суҳбати анда хуш барор ўлгай.

Кириб охир дамида хуззоға
Бўзахўрларга косадор ўлгай.

Айла назмингни хатм, эй Махмур,
То қўнгилларга беғубор ўлгай.

Мухтасар қилмайин кашола қисанг,
Амакингдек жаҳонда хор ўлгай.

Шукрким бўлди хатм поёни
Ҳажви исқотийи Намангоний.

Амаким турфа ғоз гардандир,
Гўйё лаклаки чапандандир.

Мунча чирку фалокат остида
Салласи хосай дакандандир.

Амакимнинг ҳануз ўлмагани
Охтариб марг топмагандандир.

ҚОЗИ МУҲАММАД РАЖАБ
ТҮФРИСИДА ҲАЖВ

Бу мажмуа солори воло ҳасаб,
Сазовори қози Муҳаммад Ражаб.

Эрур Андижон анга асли ватан,
Вале ҳолиё Янгиқўрғонда тан.

Қаро тепанинг қозийи акбари,
Бўлиб қавму қишлоғининг раҳбари.

Абан ан жаддин Андижон шаҳридин,
Эрур Янгиқўрғон макону макин.

Агар қозини изласанг қайдадир,
Қоратепа ё Янгиқўрғондадир.

Ажаб қозийи, коҳили, жоҳили,
Бўлиб омилик илмига коҳили.

Анинг кўксини чок қилсанг ҳама,
Филуғишини пок қилсанг ҳама.

Адамдир алиф анда күп излама,
Бу нар харни қози дебон сизлама.

Лақаб ҳофиз «Авж» оти анинг
Ҳаюло сувар шакли зоти анинг.

Магар келди Мозандарондин бу дев
Жаҳон рангидин қўрқиб айлар ғирев.

Насаб Ож ибни Ануқдин эрур
Ҳасаб ғул ё асли муғдин эрур.

Чиқиб ар'ари қадди чандон узун,
Бўлур сақфи гардунға қилсанг сутун.

Кесиб бир шитолангни ҳам икки йўл
Равон айла Жайҳуну Сайҳунга пул.

Терибдур ким оғоқдин паттани
Йигиб кўчадин лакбуриш латтани.

Қийим паттани жам'у пайванд этиб,
Анинг устидин латтани банд этиб.

Дами гар бузулса бу дастор зор
Тузатмоққа соглай анга мардикор.

Буруб жумла дарвозани салласи,
Эшикларни вайрон қиласар қалласи.

Жаңон ичра бу қозийи девранг
Әтур мазҳабу, миллати рийгранг.

Тузар ўзини гоҳи зуҳҳоддек
Қиласар шаклини мисли уббоддек.

Гаҳи марди муллоин олим ўзи,
Гаҳи боби раддул-мазолим ўзи.

Гаҳи пешвойи сияҳномалар,
Гаҳи дохили базми ҳангомалар.

Юрап гоҳи дар сурати шайху шоб,
Гаҳи зуфунун шакли закки ҳубоб.

Гаҳи толиби базлаи ҳарзагўй
Гаҳи нозими назми берангу бўй.

Магар бу ғазални сифоти учун
Қилиб машқ тавсифи зоти учун.

ҚОЗИ МУҲАММАД РАЖАБ АВЖ
ТИЛИДАН АЙТИЛГАН ФАЗАЛ

Келгил эй аҳбоб, аввал тарзи рафторимни кўр,
Ба’д даври гумбази дастор давворимни кўр.

Қимки дасторимни кўрса ўрнидин қўрқиб (турар),
Бетаҳорат айлаган оламни мурдоримни кўр.

Гоҳким бошимда саллам ўлмаса, ул дам қараб,
Расми роҳи туҳмати шалтоқ кирдоримни кўр.

Қозиликла жам’ қилган пулни савдо айласам,
Асфаласофил деган даврида бозоримни кўр.

То адамдин азми дун’ё айладим юзвой ким,
Қўймадим оламда бир кун нафси қаҳҳоримни кўр.

Бошланур боши сабоҳи уйқудин то ним шом,
Олти эшик, етти тешик nonдоримни кўр.

Бир макарнажманки юзминг аждақо гар учраса,
Айларам бир луқма деви жу'и ашроримни күр.

Гарчи мен қилдим тахаллус Авж ёлғондир ҳама
Халқнинг остида қолган баҳти идборимни күр.

ХОЖИ НИЕЗ ТҮГРИСИДА ҲАЖВ

Үчинчи эрүр ҳожийи (бад бурут)
Бүлүр етти бошлик юҳо, икки пут.

Тутар ўзини ҳожийи Макка ҳам
Борибман дегай Маккага якка ҳам.

Гумонимча ҳаж қилмаган бўлса ул
Тариқи ҳарам билмаган бўлса ул.

Магар йўлда ул жиннийи рўйсиёҳ,
Сотиб ҳажни ҳарж айлаган ул бароҳ.

Зи бас лода ма'жун, бадкайфдур,
Анга яхши мадҳу, сано ҳайфдур.

Олиб неча пулни пайи нафси рев
Зихи макру найнрангу афсуни дев.

Кўринг шеваи зарқ исботини,
Билинг доми тазвири авқотини.

Гаҳи ҳожийи фавжи фарзоналар,
Гаҳи жиннийи жам'и девоналар.

Гаҳи миршабки сипоҳи будур,
Гаҳи осилар рўйсиёҳи будур.

Гаҳи дохили садри аҳли сулук,
Гаҳи қобили базми тожул-мулук.

Гаҳи Амри айёр, гаҳ доғули,
Гаҳи Навбаҳорики, гаҳ Омули.

Гаҳи соҳиби ганжи асрор ҳам,
Гаҳи толиби ше'ру аш'ор ҳам.

Йиғиб неча кун хотири ка'бидин,
Тўқиб бу ғазални мочаи таб'идин.

ХОЖИ НИЕЗ ТИЛИДАН АЙТИЛГАН ФАЗАЛ

Даври фалакда дўстлар сар-сари тангироҳ ўзим,
Гирди жаҳонни чарх уриб, сайқали меҳру моҳ ўзим.

Баски пиёда йўл юриб, яхши ёмонни кўп кўриб,
Маккада неча йил юриб, фазлахўри илоҳ ўзим.

Ўзими сода ҳам десам, жиннийи лода ҳам десам,
Бошима хода ҳам есам, ҳожийи қиблагоҳ ўзим.

Даври жаҳонда қолмади мен қилмаган гуноҳи бад,
Хоси замона аҳлида осийи рўйсиёҳ ўзим.

Ҳожийи (бадбурут) десанг бўзахўри ўғут десанг,
Олтию, тўрт ғурт десанг, рост ўзим, гувоҳ ўзим.

Поча талош каллалар, зиллакаши маҳаллалар,
Ўғрийи эски саллалар, шом ўзим, пагоҳ ўзим.

Ҳажни сотди йўлда деб, ўлмайин йўлда, чўлда деб,
Минг-минг гуноҳлар кўлда деб, му'тарифи гуноҳ
ўзим.

Журм десанг, қабат-қабат, фисқ десанг, сабат-сабат,
Наҳс десанг, намат-намат, сүфийи хонақоҳ ўзим.

Шукрки мунча ҳол илан, хотири пур малол илан,
Нафси саги вубол илан, тозийи шайху шоб ўзим.

Барча вужудим (бе субут), жисмими бори етти пут,
Абу жадим саги сафут, бешаку иштибоҳ ўзим.

Менки тама'га бандаман, халқи жаҳонда гандаман,
Нарса тиларга рандаман, хоҳ ўзим, наҳоҳ ўзим.

Субҳдами силаб юриб, ҳимматим олти ман қурут,
Устига етти тӯрба тут луқмаҳўри пагоҳ ўзим.

Шоҳи жаҳон паноҳга, довари додҳоҳга,
Хони зафар сипоҳга чокари хайриҳоҳ ўзим.

Гоҳи Хўқандда миришаб, гоҳи ҳарамда ҳақ талаб.
Гоҳ кулухи мустаҳаб, бул-ажаби гиёҳ ўзим...

Хатми ғазалии айлаган, белни хатога боғлаган,
Оши каварни пойлаган, ҳофизи садргоҳ ўзим.

(Бесубути) ягонаман, тантанаи замонаман,
Жиннийи жовидонаман, масхара дастгоҳ ўзим.

Шаҳриёро, камина сагбонман,
Пешвойи сипоҳи хандонман.

Асли отим агарчи қозидир,
Қозийи қавми шаҳри тозидир.

Итбоқарлик эрур мени ҳунарим,
Боиси ризқи модару падарим.

Ота-бобомни касбидир бу ҳунар,
Қатта бобомнинг расмидир бу ҳунар

Хайли кўпакни толибидирман,
Жам'и сагбонни ғолибидирман.

Лашкари итга пешво мен-мен,
Сарвару соҳиби ливо мен-мен.

Дема хандонки ёrim, жонимдир,
Маҳрами муниси маконимдир.

Кечалардир тамом қўйнимда,
Думу, боши, оёғи қўйнимда.

Ёзу қиши бир катақда ётармиз,
Бир буриш ионни бирга тотармиз.

Ошимиз бир ялоқдадир модом,
Бошимиз бир тувак ичида мудом.

Шом тентиб то сабоҳ ухлармиз,
Хайли суллоҳ, жам'и суклармиз.

Бизни дайдию дарбадар дерлар,
Маргимизни маҳи сафар дерлар.

Бўлмасам олдида замони агар,
Тозилар: «қози қайдা» деб йиглар.

Чунки жондин буларни беҳ кўраман,
Булар афғон гар этса мен ҳураман.

Даври оламда қанчаким ит бор,
Ҳаммаси менгадир биродару ёр.

Қарри кўппак масобаи падарим,
Гўрчийи ёш додару жигарим.

Ола тўрткўз биродари айним,
Қора кучук заифаи қайним.

Тозилардир рафиқу йўлдошим,
Хайли хандон эрур қариндошим.

Даври даврони шаҳриёrimda
Асри султони комиронимда.

Ҳама семирди, қоқ мен қолдим
Ҳама жуфт ўлди, тоқ мен қолдим.

Ҳама (дўст топди) насли одамдин,
Менга кучук тегиб насибамдин.

Бор умидим анинг жамалғасидин,
Кашфу тумору тўйу фалласидин...

ДАР СИФАТИ ҲАКИМ ТУРОБИЙ
ҲАЗОР ҲАЛТА

Бешинчи табиб Туробий эрур
Саломига ла'нат жавоби эрур.

Ажаб бир ҳакими шақоват сиришт
Мақомига дўзах эрур сарнавишт.

Қезар дашту-саҳро касал истабон
Ажал орқасидин юрар қистабон.

Жаҳон ичра ул жоҳили нобакор
Ажал иликдин олганга келди дучор.

Ёзиб олдига иккى минг халтани
Йиғиб эски юз лак тугун латтани.

Терибдир дўқонига тўқсон тувак
Солиб ҳар тувак ичра ўн уч сумай

Қимиким, тувакдин талаб қилса нўш
Берур нўш дору дебон маргимуш.

Эрүр ранги қиңиши чилласидин совуқ
Хақоратга бобу сүкарга ёвуқ.

Анга бори заммат тушатсанг савоб
Юзига таҳорат ушатсанг савоб.

Кўрарман ани гоҳ дугаҳ дўконида
Туриб икки шайтон анинг ёнида.

Келур олдига кимки дору сўраб
Ба аҳволи ранжуру, дарду-тааб.

Берар заҳрни нўш дору дебон
Ани ўлдириб беажал шу замон.

Жаҳон ичра бул аглаҳи пурфусус
Қилур ўзини сонийи Жолинус

Юрап гоҳ ҳикмат усулида ул
Гаҳи муддаи ше'р йўлида ул.

Тариқи ҳазоқат блан ул жаҳул
Топиб бу ғазални зи роҳи усул.

ДАР СИФАТИ ҲАКИМ ТУРОБИЙ ҲАЗОР ҲАЛТА БУДУР

Биҳамдиллаҳ табиби шаҳру Буқроти ҳалойиқман.
Ажалдин ҳам бани одами үлдирмоққа фойиқман.

Табиби шаҳр номи ойда бир бемор үлдирса,
Вале мен кунда юз бемор үлдирмоққа ҳозиқман.

Мани бадбахт то зарбул-масал бўлдим табиблиқда,
Жаҳон борича акнун кўп ҳақоратларга лойиқман.

Ҳакими шаҳр деб олдимга ҳарким келди, үлдирдим,
Тариқи ростим шулдирки, жаллоди ҳалойиқман.

Эрур кўп ноҳақ (ишлар) гарданимга тавқи
ла'натдир,
Жаҳанинам садрига бу журм илан сардори
собиқман.

Адамдий то келибман даври оламда хисолим шул,
Мусулмонларга ҳосидман, мунофиққа мувофиқман.

Абан ан жаддин — ота-бободан.
Абр — булут.
Аврод — дуолар.
Адам — йўқ ма'носида
Азозил — шайтон.
Амвол — молу-мулк.
Амру-наҳӣ — бўйруқ ва тақиқ.
Анжум — юлдузлар
Аржуманд — қимматли, қадрли
Арз — ер.
Асфаласофлийн — тубанларнинг тубани
Асрор — сирлар.
Аш'ор — ше'рлар.
Ашрор — ёвуздар, безорилар.

Базла — ҳазил.
Байтул-аҳzon — ғам уйи, ғамхона.
Баназди — яқинида, ёнида.
Бапеш — олдида.
Беадад — сон-саноқсиз.
Бедод — зулм.
Бех — томир.
Беҳ — яхши.

Боб — эшик.
Бозандаи қимор — қимор ўйновчи.
Борон — ёмтири.
Ботил — ярамас.
Ботин — ички.
Бутан — ўзга, бегона.
Буқрот — машҳур табиб исми.

Ганда — ифлос нарса.
Ганж — хазина.
Гардон — айланучи.
Гардун — осмон.
Гардуни дун — пасткаш осмон.
Гуфту-гўй — гап-сўз, сұхбат.
Гусиста тор — узилган ип.
Гўш — қулоқ.

Даввор — айланучи.
Дакан — аёллар ўрайдиган саллага ўхшаш нарса.
Даст — қўл.
Дастор — салла.
Дайр — ибодат жойи.
Дақиқадон — ингичка нуқталарни билучи.
Даҳр — замон.
Да’б — одат.
Додар — ука.

Жаҳул — энг нодон, энг жоҳил.
Жаён — қўрқинчли, йиртқич ҳайвон.
Жолинус — машҳур табиб исми.
Журм — гуноҳ.
Жу’ — очлик.
Жур’а — томчи, қолдиқ.
Жуҳдол — жоҳиллар.
Жўянда — изловчи.

Забун — тубан, хор.

Закий — зийрак.

Заллакаш — тубан, хор.

Заллат — хорлик.

Зангулабоз — құнғироқбоз.

Зангула — құнғироқ.

Зарроб — пулга мұхр үючи.

Зарқ — мунофиқлик, икки юзламачилик.

Захма — құбиз чалишда ишлатиладиган асбоб, — нөхин.

Зиҳи — ә, қандай!, жуда яхши, ажаб.

Зоний — фоҳишабоз.

Зоҳир — ташқи кўриниш.

Зуфнун — олим, ўқимишли.

Зуҳҳод — тақводорлар.

Идбор — орқага кетиш.

Исқотий — ташланғып нарсаларни олучи, одам ўлгандан сўнгги садақаларни олучи киши.

Кавар — ошқовоқ.

Кавкаб — юлдуз.

Қаждостон — әгри сўз.

Қажрав — әгри юрадиган, нияти бузук.

Қомкор — мақсадга етучи.

Қоҳил — беғам, бекорчи, дангаса.

Қулух — кесак.

Қулфат олуд — кулфат блан чулғанган.

Қўҳ — тор.

Лайм — очкўз, қизғончиқ.

Ливо — байроқ.

Лода — аҳмоқ.

Мазаллаткийн — хор бўлган киши,

Макарнаж — катта аждадо.

Макин — макон қилган, жойлашған.

Манхус — ёмон, бадбахт.

Масоба — ўхшаш, гүё.

Масх — ўзгариш.

Майлон — мойил бўлиш, эгилиш.

Муғийс — ёрдамчи.

Мидҳат — мақтов.

Мор — илон.

Мукаддар — губорли, хира.

Мумтаҳан — синалган.

Мунажжим — астролог.

Мусоҳиб — ҳамсуҳбат.

Мўшикоф — нозик фикрларни ҳал қилучи.

Му'тариф — иқрор этучи.

Муқаллид — тақлид қилучи.

Мұхосаба — ҳисоблаш.

Мур — ўтга топинучи, мажусий.

Мўр — чумоли.

Навбаҳор — жой исми.

Нархар — әркак эшак.

Нафрин — нафрат.

Наҳл — хурмо дарахти.

На'л — оёғ кийими, кафш.

Нисор — сочиш.

Нозим — шоир.

Нописанд — нома'қул.

Нор — ўт, олов.

Носутуда — ярамас.

Нӯш — ичиш.

Ож ибн Ануқ — киши исми, афсоналарга кўра унинг боши булутларга тегиб юрар экан.

Омул — жой исми.

Олачук — чайла, ката, бошпана
Офоқ — уфқлар; горизонтлар.

Пагоҳ — әрта.

Пурфусус — алдамчи, маккор.

Раддул-мазолим — зулмни қайтариш, бу ерда адリア маҳкамаси ма'носида.

Раммол — чизиқларга қараб фол очучи фирибгар.

Рев — найранг, алдаш, фириб.

Роҳ — йўл.

Рўйсиёҳ — юзи қора.

Садроҳ — юқори жой.

Саг — ит.

Сабон — итбоқар.

Саллоҳ — терини шилиб олучи, шилучи.

Сангборон — тошбўрон.

Сарсар — совуқ шамол.

Сафида дам — тонготар.

Сақф — шип.

Сипос — мақташ.

Сиришт — характер, фе'л-атвор.

Сияҳнома — хати қора, гуноҳкор ма'носида.

Солор — бошлиқ.

Сор — майна.

Сувор — от мингани, отлиқ.

Сикка — пул мухри.

Сулук — қонун, қонда.

Сун' — яратиш.

Суханвар — гапга чечан.

Тавқ — бүйинбог; маржон.
Тазвир — алдаш, ёлгонлаш.
Таҳқиқ — текшириш.
Те’дод — саноқ, ҳисоб.
Тироз — нақш, безак.
Тифл — бола.
Торик — қоролғу.
Тогиён — бүйсунмовчилар.
Тул — узунлик.

Уббод — ибодат құлучилар.
Уммон — Оман құлгиги (Араб дегизидаги).

Фавж — гурұх, тұп, тұда.
Фазлахұр — салқитхұр.
Фасонагар — афсоначи.
Фаҳми сойиб — соғ ақл, тұғри фаҳм.
Фойиқ — устун, юқори.
Фулус — чақа.

Хатм — тамомлаш.
Хайл — тұда, гурұх.
Хилқат — вужудға келиш, яратилиш.
Хисол — хусусиятлар, қилиқлар.
Хома — қалам.
Хуззо — ұзини камтар тутучи киши.

Чұбдор — миршаб, соқчи.

Шабона — кечқурун, тунда.
Шароратгар — ёвузылық құлучи.
Шайху шоб — қари-әш.
Шақоват — бахтсизлик.
Шақоватсиришт — бадбаҳт табиатли, ёмон ҳулқли.
Шитоланг — товор, илик суюғи.

Яд — құл.

Еирев — ғавро, сурон.

Үул — дев.

Үурт — ҳақоратлы ифода.

Қубуз — музика асбоби.

Қурратул-айн — күз қорочуғи, бу ерда фарзанд ма'носидә.

Ҳазоқат — моҳирлик.

Ҳаюло — жисм, модда, гавда, сурат, ҳайкал, шакл.

Ҳарзагүй — әзма, бема'ни гаплар гапиручى.

Ҳасаб — мартаба, даража ма'носидә.

Ҳимор — әшак.

Ҳоди — йүлбошловчи.

Ҳусул — ҳосил бўлиш.

МУНДАРИЖА

Шоир Махмур түғрисида. Азиз Қаюмов	7
Ҳапалак	15
Мухаммас	17
Абдулкарим Фазлий Намангоний түғрисида	20
Қози Муҳаммад Ражаб түғрисида ҳажв	24
Қози Муҳаммад Ражаб Авж тилидан айтилган разал	27
Ҳожи Ниёз түғрисида ҳажв	29
Ҳожи Ниёз тилидан айтилган разал	31
Итбоқар қози тилидан	33
Дар сифати ҳаким Туробий ҳазор халта	36
Дар сифати ҳаким Туробий ҳазор халта будур	38
Лугат	39

На узбекском языке

Махмур
Избранные произведения

*

Мас'ул редактор Ю. Султонов
Адабий редактор Х. Расул
Рассом А. К. Ошайко
Тех. редактор З. И. Сорокина

* *

P05979. Босишга руҳсат этилди 8/IX-51 й.
Қоғоз 70×108/^{1/3}—0,75 қоғоз л. 2,055 босма л.
Нашриёт л. 2,1. Тиражи 10.000.
Баҳоси 1 с. 50 т. Муқоваси 1 с. 50 т.

* *

ЎзССР Фанлар Академияси Нашриёти
босмахонаси. Заказ 1058.
Тошкент 1951 й.